

## El nome

Los nomes o sustantivos son les palabres qu'usamos pa llamar a les persones, los animales, les plantes, les cosas, los sentimientos, etc.

Cada persona, cada país, cada pueblu, cada ríu... tien un nome específicu, que lu estrema de les demás persones, países, pueblos o ríos. Llámase nome propiu. Exemplos: Raúl, don Pelotón, Miranda, El Ríu Dobra.

¿Cayisti na cuenta de que la primer lletra escríbese con mayúscula?

Los nomes comunes úsense pa cualquier ser o cosa de la mesma clase: neñu, mocu, conceyu, ríu.

Nomes comunes	Nomes propios
mocu	don Pelotón
neñu	Raúl
conceyu	Miranda
ríu	El Ríu Dobra

Facemos

1. Pon caún d'estos nomes comunes nel so sitiu:

medrana	regatu	maestra	sacavera	trébole
formiga	carbayu	gayola	alcaldesa	paragües

Nomes de persones	Nomes de sentimientos	Nomes de cosas	Nomes d'animales	Nomes de vexetales

¿Cómo-yos escribisti la inicial?:  Mayúscula  
 Minúscula

2. Agora, clasifica estos nomes propios:

El Sella	El Caleyú	Pintu	El Naranco	Leni
Vega	El Fitu	Ladio	Musina	El Cares

Persones	Animales	Ríos	Montes	Pueblos

¿Cómo-yos escribisti la inicial?:  Mayúscula  
 Minúscula

## El xéneru

Los nomes pueden tener xéneru masculín o femenín.

Facemos

1. Nel Exerciciu 1 de la páxina anterior hai cinco nomes que tienen xéneru femenín y otros cinco con xéneru masculín. Ponlos curiosos equí acordies col exemplu:

Femeninos: la medrana, .....  
..... y .....

Maculinos: el regatu, .....  
..... y .....

2. Busca na llectura seis nomes comunes masculinos y otros seis femeninos. Cópialos na llibreta.

## El número

El número de los nomes ye singular o plural.


Facemos

1. ¿Alcuérdeste, de cursos pasaos, de cómo se forma'l plural de los nomes o sustantivos? Repara nesti exemplu:

	singular	plural
masculín	bañu	baños
femenín	zuna	zunes

Agora, completa tu esti cuadru:

singular	plural
pierna	.....
güeyu	.....
rapacina	.....
.....	pigazos
.....	sacaveres
.....	regatos



sacaveres

## Nomes non cuntables

Atiendi: la primer ringlera ye correcta; la segunda, non.

☹ Dos xatos, tres hores, cuatro calcetos...

☹ Dos fumos, tres borrines, cuatro maíces...

Los nomes de la segunda ringlera nun se pueden cuntar.

Llámense nomes non cuntables.

Facemos

1. Na llibreta, clasifica estos nomes como cuntables o non cuntables:

culiebra sal mugor uña sidra botella mexu playeru